

CASCASINA DE SOLES E DE LUNAS

A bortas mi nch'ischido
 in sa funtana 'e su tempus gastau
 bibende a bucca prena
 chin su gupu 'e s'ammentu
 màzines de braghera pizzinnia
 orammai abubada
 in su sostre 'e s'irmenticu.

Prùdicu eremare iscumentau
 da-e sofisticos sònnios
 chi mi cuban a ocros de su sole
 sas frogas nudas de sa beridade.

Su toccheddu 'e su coro
 non sichit prus su passu cadenzau
 de su ballu 'e sas dies:
 sichit a lampaluche
 su ròddulu 'e sos tronos
 in sas cussorjas malas de s'intrighinu
 in chirca 'e s'attarjare
 su respiru istasiu
 impettus trabentau

da-e su ribu 'e sa presse nechidau.

In sa terra irbenada
 pezzi trattas sangradas
 da-e s'istillu 'e su tempus:
 trattas e cascasina
 de soles e de lunas
 fadicaos
 da-e su curren debbadas
 sas lanas de unu mundu
 a
 frichinias.

ESCREMENTI DI SOLI E DI LUNE

*A volte, mi ritrovo / alla fonte del passato / a bere avidamente, / dalla coppa
 dei ricordi, / immagini di una spocchiosa giovinezza / ormai accantonata /
 nella soffitta della dimenticanza.*

*Vano errare / sgomentato da sogni impossibili / che nascondono, alla luce del
 sole, / i germogli della nuda verità.*

*Il pulsare del cuore / non segue più il passo cadenzato / del ritmo dei giorni /
 mentre insegue, al baluginare dei lampi, / il rombare dei tuoni / cercando di
 temprare / il respiro sfinito / travolto dalla piena
 del fiume della fretta.*

*Nella terra svenata / solo orme ferite / dal coltello del tempo: / orme ed
 escrementi / di soli e di lune / sfioriti / dal vano rincorrere / gli intrighi di un
 mondo / in / frantumi.*